

AKASHVANI AIZAWL
REGIONAL NEWS UNIT

GOVERNOR

International Year of Cooperatives 2025 lawmna kalpui mek zelah vawiin chawhma khan 'Ek Ped Maa Ke Naam' pualin Larsap General (Rtd) Vijay Kumar Singh leh Cooperation Minister Pu PC Vanlalruata te chuan Raj Bhavan-ah Ashoka Tree tiak an phun.

Larsap leh Cooperation Minister-te hian 'Cooperatives Build a Better World' tih thupui hmanga International Year of Cooperatives -2025 lawmna kalpui mek leh hmachhawpte bakah pawimawh dangte an sawidun a, vawiin hun hmanah hian Cooperation Secretary Pu Amit Sharma, Registrar of Cooperative Societies Pu John L.T. Sanga leh official dangte an tel a ni.



EDUCATION MINISTER PRESS CONF

Education Minister Dr Vanlalhlana’n zirtirtu posting siamrem apianga khawtlang anga hmalak a, dodalna a awm thin chu pawl a tih thu sawiin midang puna sawrkar kar tir thinte lakah action lak ani dawn tih a sawi.

He thu hi vawiina chanchinbumite a pisa-a a kawmna ah sawiin Education Minister chuan zirtirtu-te zingah insawn hreh avanga khawtlang emaw pawl thenkhat pun a, sorkar kar tir chiam an awm tih hriat a nih thu leh heng mite lakah hian na taka action lak ani dawn tih a sawi a, khawtlang leh pawl thenkhatte pawh an khaw sikul zirtirtu dinhmun leh sorkar hmalakna lo ngaichang leh zual turin a ngen a ni.

Education Minister chuan Zirtirtu, SDEO leh DEO Transfer order tihchhuah anih chungchangah an hmalakna chu thuneihna an chan tak avanga ti chiam an ni lo tih sawiin zirna-in zirtirtu inkhairual loh avanga an tawrh nasat em avangin a kilkhawr bera awmte nat ruala na ve an nih avangin inkhairual dan tur ngaihtuahin siamrem mek a nih thu leh zirnain-a zirtirtu indaih lohna chu zawi zawia a reh thuai a beisei tih a sawi a ni.



SAMVIDHAN HATYA DIWAS

India ram danpui palzut ni champhaphak, Samvidhaan Hatya Diwas pualin vawiin khan Siaha ah leh Saitual ah Exhibition leh mipui hrilhhriatna hun buatsaih a ni.

Sawrkar laipui Ministry of Culture in June Ni 25 chu Samvidhan Hatya Diwas (Ram danpui palzut ni) atana a lo puan tawh behchhanin Siaha District ah hian DRDO Conference Hall ah exhibition buatsaih a ni a, exhibition ah hian India ram zalenna sualtute sulhnu thenkhat bakah Kum 1975 National emergency puan a nih lai chanchin te phochhuah a ni a, heng bakah hian Democracy Rama Danpui (Constitution) pawimawhna video tawi phochhuah nghal a ni. Zirlai naupangte bakah mipui tam takin he exhibition hi chhimin signature board a tar ah an hming an ziaak theuh bawk a ni.

Saitualah chuan District Hospital ah hun hman a ni a, emergency puan laia mipuite dikna chanvo leh chanchinbu mite zalenna rahbehin a awm chungchang leh ram hruaitute, zirlai naupangte leh mipui tam tak te chu taninah khung an nih thu tarlan a ni bawk.

Samvidhan Hatya Diwas Exhibition hi Presbyterian English School, Keifang, Govt. Saitual College leh DHEW, OSC & Excise & Narcotics department hoin PWD Kawn, Saitualah te neih a ni leh ang.

Samvidhan Hatya Diwas hi Kum 1975 June ni 25 ah India ram Prime Minister Pi Indira Gandhi in Article 352 hnuaia Emergency a puan champha hriatrengna puala hun hman a ni a, kumin hi a kum 50-na cham a nih angin Sawrkar laipui chuan hetiangna hmang tur hian ruahmanna siamin mipuite dikna chanvo inzirtirthar lehna leh Democracy ram tana Danpui (Constitution) a pawimawh thu inzirtirna hun puala buatsaih a ni.



DISASTER RELIEF

Sawrkar laipui chuan Mizoram tiamin tuilian leh leimin tuar state parukte tan cheng vaibelchhe 1066 chhawmdawl na pek a remti. Heng state te hi Assam, Manipur, Meghalaya, Mizoram, Kerala leh Uttarakhand te an ni a. Union Home Ministry sawidanin Mizoram tan cheng vbch 22, Assam ah cheng vbch 375, Manipur tan cheng vbch 29, Meghalaya tan vbch 30, Kerala tan vbch 153 leh Uttarakhand tan cheng vbch 455 chuang pek a remti a ni. Heng state parukte hi fur ruahsur nasa, tuilian leh leimin avanga harsatna tawk an ni a. Sawrkar laipui chuan heng state te hi theihtawpa chhawmdawl a tum thu a tarlang a ni.



VICE PRESIDENT

Vice President Jagdeep Dhankhar chuan India chu khawvel huapa ram rintlak leh inngahna tlak ani dawn tih a sawi.

New Delhi a CII ITC Sustainability award semna hunah he thu hi sawiin Pu Dhankhar chuan India chu mihring cheng tam na ani a, economy lian 4 na a ni mek bawk tih sawiin ram in hma a sawn zel a, thil thar siamchhuah lam ah hma nasa tak

in alak mek thu a sawi a, ‘Brand India’ chu lungphum 4 nei a, tha bik, rintlak, thil thar siamchhuahna leh tunlai mila an ngaihtuahna te seng nasa turin a fuih a ni.

